

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-25-000 047
Datum: 17.01.2025. godine

STATISTIČKI IZVJEŠTAJ
O POŠTIVANJU OPTIMALNIH I PREDVIDIVIH ROKOVA U
OPĆINSKOM SUDU U LUKAVCU ZA 2024. GODINU

Shodno članu 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini, a shodno Odluci o optimalnim i predvidivim rokovima ovog suda, broj 126-0-Su-23-000 025 od 25.01.2024. godine, dostavljamo Vam statistički izvještaj Općinskog suda u Lukavcu o poštivanju optimalnih i predvidivih rokova za 2024. godinu.

1. Statistički izvještaj o poštivanju optimalnih i predvidivih rokova iz CMS-a se dostavljaju u prilogu s obzirom da je isti u pdf formatu.

2. Analizom navedenih pokazatelja utvrđeno je da je u većem broju, po vrsti predmeta, došlo do prekoračenja navedenih predvidivih rokova od ukupno 414 predmeta u sudu: u predmetima izvršnog postupka je došlo do prekoračenja u 305 predmeta, u prekršajnim predmetima je došlo do prekoračenja u 25 predmeta, u vanparničnim predmetima je došlo do prekoračenja u 14 predmeta, u parničnim predmetima je došlo do prekoračenja u 42 predmeta, u predmetima krivičnog postupka došlo je do prekoračenja u 28 predmeta od toga, u predmetima Redovni krivični postupak, prvostepenog krivičnog postupka (Kps) – 15, u predmetima redovnog prvostepenog krivičnog postupka – redovni (K) 12, a u posebnim krivičnim postupcima došlo je do prekoračenja u 1 predmetu – postupak za izdavanje kaznenog naloga. Razlog prekoračenja u navedenim predmetima, od kojih je većina u radu, je kao posljedica velikog broj predmeta kojim su zadužene sudije, intencije da se održe ažurnim svi referati u sudu bez obzira na priliv predmeta u sudu, a što se prvenstveno odnosi na veliki broj predmeta u kojima je nužno hitno postupanje. Smatram da postupanja sudija nije bilo od većeg utjecaja za nepoštivanje navedenih rokova, već je posljedica objektivnih navedenih poteškoća. Broj neriješenih predmeta na početku izvještajnog perioda iznosi 2651 predmeta, a u toku izvještajnog perioda primljeno je 3095 predmet što ukupno čini 5746 predmeta. Broj riješenih predmeta u optimalnom roku iznosi 1046 predmeta, u predvidivom roku 2083 predmeta, od čega sa prekoračenjem predvidivog roka 1162 predmeta, što ukupno iznosi 3245 predmeta. Prosječno trajanje riješenih predmeta iznosi 440 dana a uzimajući u obzir izvještaj iz 2023. godine trajanje riješenih predmeta smanjeno je za 217 dana.

Broj neriješenih predmeta na kraju izvještajnog perioda iznosi 2501 predmeta od čega sa prekoračenjem optimalnog roka u 1561 predmeta i sa navedenim prekoračenjem predvidivog roka u 414 predmeta, dok u 2087 predmeta nije prekoračen predvidivi rok te prosječno trajanje neriješenih predmeta na kraju perioda iznosu 352 dana a za isti period 2023. godine iznosio nje 569 dana što je smanjenje za 217 dana.

Od navedenog broja 1745 predmeta u kojima je došlo do prekoračenja optimalnog roka najviše je došlo do prekoračenja u prekršajnim predmetima u 737, izvršenje na pokretnim stvarima u 175 predmeta, izvršenja na pokretnim stvarima – vjerodostojna isprava 18 predmeta, izvršenje na novčana potraživanja – transakcijski računi 2 predmeta, izvršenje na novčana potraživanja

plata – 329, izvršenje radi ostvarenja nenovčanog potraživanja – sudski penali sa provođenjem izvršenja (izrečenih penala) 27 predmeta, Izvršenje na novčana potraživanja plata – vjerodostojna isprava – 17 predmeta, Izvršenje nad nepokretnostima – 40 predmeta, Mal predmeta – 35, radni sporovi – 16, bračni sporovi po tužbi – 7, bračni sporovi po prijedlogu – 3, izdržavanje – 5, obligaciono pravni sporovi – naknada štete - 9, obligaciono pravni sporovi – ugovoreni odnosi - 10, smetanje posjeda – 1, te stvarno pravni sporovi 33.

3. Općinski sud u Lukavcu od samog početka rada, otežano radi zbog nedostatka smještajnih kapaciteta, nedovoljno tehničke opremljenosti i sl., U Toku 2024. godine Općinski sud u Lukavcu je ostao bez jednog dodatnog sudca i to Miroslava Đulabića te stručne saradnice Mirsade Alibašić rad imenovanja u drugi sud, te u istom periodu 2024. godine Odlukom o imenovanju Visokog sudskog i tužilačkog vijeća Bosne i Hercegovine imenovana je nova sudija Damir Baraković, tako da je sud ove godine obavljao rad sa 8 sudija i predsjednicom suda i jednom stručnom saradnicom.

U toku 2024. godine ovaj sud nije imao šefa pisarnice obzirom da je prethodni šef pisarnice u toku 2023. godine prešao na drugo radno mjesto te je konkursna procedura još u toku gdje je izabranom kandidatu dostavljena obavijest o stupanju u rad za 20.01.2025. godine. Trenutno prema pravilniku o unutrašnjoj organizaciji i sistematizaciji radnih mjesta u Općinskom sudu u Lukavcu, za vršenje poslova i zadataka radnih mjesta u Općinskom sudu u Lukavcu sistematizovan je ukupno 61 izvršilac, čime trenutna popunjenost radnih mjesta iznosi 43 uposlenika ili 70,49 %.

Zaključno sa 31.12.2024. godine ukupan broj neriješenih predmeta (sa Kom. predmetima) iznosi 41.861 predmeta što je pored ostvarene dobre kolektivne norme suda od 108,97 % manje nego u istom izvještajnom periodu prošle godine za 95 predmeta a imajući u vidu priliv tokom 2024. godine.

4. U predmetima koji nisu riješeni u predvidivim rokovima na pojedinim referatima predsjednica suda zajedno sa šefovima odjeljenja a shodno rasporedu sudija po referatima poduzeće se sve potrebne mjere radi okončanja istih u narednom periodu.

5. U cilju smanjenja predvidivih rokova neophodno je da postupajućeg sudije i stručni saradnici poduzmu dodatne napore u navedenim predmetima u cilju realizacije, odnosno okončanja predmeta u predvidivim rokovima, kako bi navedeni rokovi bili skraćeni, a time i bliži optimalnim rokovima. Međutim, polazeći od činjenice da je od ukupnog broja predmeta došlo do prekoračenja predvidivih rokova u 414 predmeta a u izvještaju za isti period prošle godine 969 predmeta evidentno je da se navedeni rokovi smanjuju obzirom da je su svi referati u sudu po prvi put od njegovog osnivanja 2012. godine ažurni a što je vidljivo iz statističkog pokazatelja ovog suda za ovu i prethodne godinu.

S poštovanjem,

